

2 CORINTIOS

Pablo Corinto marārē ōādoredea

1 ¹Yu Pablo, marīyagu Timoteo merā musā Marīpuyarā Corinto marārē, irasū āārīmakū āārīpererā Acaya nikūge āārīrārē ōādoredea. Marīpū gāāmederosūta Jesucristo yure īgūyare buedoregū pīmi. ²Marīpū āārīnīgū, marī Opū Jesucristo musārē ōārō iritamu, siuñajārī merā āārīrikumakū iriburo.

Pablo īgū ñerō tarideare gojadea

³Marīpū, marī Opū Jesucristo Pagū marīrē bopoñarī merā īāmi. Īgū sugūta marīrē gūñaturamakū irigu āārīmi. Irasirirā īgūrē: “Ōātaria mu”, ārī, usuyari sīrā! ⁴Marī ñerō taririkū, Marīpū marīrē gūñaturamakū yāmi. Irasirirā gajerā ñerō tarimakū īārā, Marīpū marīrē gūñaturamakū iriderosū marīde īgūsārē gūñaturamakū irimasīa. ⁵Marīde Cristoyarā āārīsīā, īgū ñerō tariderosū buro ñerō taria. Marī ñerō tariro nemorō Marīpū Cristo merā marīrē iritamugū ōārō gūñaturamakū irigukumi. ⁶Gua Marīpū musārē taurire gūñaturaburo, ārīrā, ñerō taria. Gua ñerō tarimakū, Marīpū guare iritamumi gūñaturari merā tariburo, ārīgū. Musā, gua irirosū ñerō tarimakū, Marīpū musādere iritamumasīmi gūñaturari merā tariburo, ārīgū. ⁷Gua ire masīa. Gua ñerō tarirosū musāde gua merā ñerō taria. Irasū ñerō tarimakū, Marīpū guare gūñaturamakū irirosū musādere ōārō gūñaturamakū yāmi. Irasirirā musā gūñaturari merā ñerō tariburire gua masīa.

⁸Gwayarā, Asia nikūge guare waadeare musārē masīmakū gāamea. Gua iroguere āārīrā buro ñerō tarirā:

“I ñerō taririre neō bokatīubirikoa. Boarākoa. ⁹Wējēbēokōārākuma”, ārī gūñadibū. Marīpū direta gua gūñaturaburire irasū ñerō taribū. Irasirirā: “Marī basi neō iritamumasībirikoa. Marīpū boanerārē masūgū sugūta marīrē taumasīmi”, ārī gūñaturabū. ¹⁰Guaere buro wējēduakerepuru, Marīpū guare taumi. Irasirirā: “Daporadere, puruguedere taugukumi”, ārī buremua. ¹¹Irasirirā musā gajerā merā Marīpūre guaya āārīburire sērēbosarosūta īgū guare iritamamakū īārā, wārā īgūrē: “Pablosārē ōārō iritamubū”, ārī, usuyari sīrākuma.

Pablo īgū Corintogue waadūadideare gojadea

¹²Gua irideare gūñarā, usuyari merā āsū ārī gūñāa: “Gua i ūmuguere Marīpū iūrō ārīgatorī marīrō goepeyari merā masakare buebū”, ārī gūñāa. Musādere irasūta iribū. Gua masīrī merā buebiribū. Marīpū guare maīgū īgū turari merā iritamumi. ¹³Gua musārē gojarā, pēmasīma ōārō dita gojabū, ōārō pēmasīmakū gāamerā. ¹⁴Irasirirā gua musārē gūñarā: “Gwayamarē īgūsā pēmasīturabirideare purugue ōārō pēmasīrākuma”, ārī gūñāa. Irasirirā, marī Opū Jesús dupaturi aarimakū, gua musā iridea merā usuyarosūta, musāde gua iridea merā usuyarākoa.

¹⁵⁻¹⁶Irasū ārī gūñagū, Macedonia nikūge waagū musārē īāgū waapuridūadibū. Irasirigu musārē īātariwāgā, gāme dujari, musārē dupaturi īābokuyo. Pea yure musā īārī merā usuyamakū iridūagu, irasiridūadibū. Musā, irasirimakū, yu

Judea nikügüe waaburire iritamubokuyo. ¹⁷“Yu musä puro waagura”, ärikeregu, ejabirimakü ïärä: “Pablo, gajerä masaka ïgüsä gäämerö irirosü iriañumi”, çärï güñari? “Ïgü äriderosü iribirañumi”, çärï güñari? ¹⁸Marïpu ïgü: “Äsü irigura”, ärideare yämi. Guade: “Äsü iriräkoa”, ärideare: “Iribirikoä” ärirä meta yäa. Irire masïmi Marïpu. ¹⁹Yu, Silvano, irasü äärïmakü Timoteo, Marïpu magü Jesucristoyare musäre werebu. Marïpu: “Yu magü merä äsü irigura”, ärigü, diayeta iriguno äärïmi. “Ïgü merä äsü irigura”, äri, puru: “Iribirikoä”, ärigü meta yämi. ²⁰Irasirigu äärïpereri Marïpu masakare: “Äsü irigura”, ärideare Jesucristo ïgü magü merä iripeoköadi äärïmi. Ïgü irasirimakü ïärä, marï Jesucristoyarä Marïpure: “Irasüta äärä, mu magü Jesucristo merä iridea öätaria”, äri, usuyari sä. ²¹Guare, irasü äärïmakü musädere Cristore piriro marïrö buremurä, ïgü merä öärö äärïmakü irigu, Marïputa äärïmi. Ïgüta marïre beyepïdi äärïmi Cristoyarä äärïdoregu. ²²Irasirigu marïre ïgüyarä äärïrïre masïmakü iridoregu, Öägü deyomarïgüre marï merä äärïmakü iridi äärïmi. Irasirigu äärïpereri ïgü marïre siburire ïgü merä masïmakü yämi. ²³Marïpu yu wererire, yu güñarïre masïmi. Irasirigu yu musä purogue Corintogüere waabirideare diayeta weregura. Musä ñerö iridea waja turiduabi, musä purogue waabiribu, musäre bujaweremakü iribokoa, ärigü. ²⁴Gua musäre büro doreri merä: “Jesucristore büremurä äsupero gapu iriro gäämea”, ärirä meta äärä. Piriro marïrö musä ïgüre öärö buremua. Irasirirä, musäre ïgü merä nemorö usuyamakü gäämerä, öärö iritamuduäa. **2** ¹Iro dupuyuro yu musäre ïägü ejaçu, yu wereri merä musäre bujaweremakü iribu. Irasirigu: “Dupaturi ïgüsäre bujaweremakü iribokoa’, ärigü, daporare ïgüsäre ïägü waabea”, äri güñabu. ²Musäre bujaweremakü irigu, yude bujawerebokoä. Marï basi gäme

bujaweremakü irirä, gäme usuyamakü irimasïña marïbokoä. ³Irasirigu irinügüe musäre su pü gojabu yu musä purogue waaburi dupuyuro iririre ämudoregu. Irire ämuburi dupuyuro yu musäre ïägü waamakü, yure usuyamakü iriboanerä, yure bujaweremakü iribokoa. Yu äsü äri güñäa: Yu musä merä usuyamakü, musäde yu merä usuyaräkoa. Irasirigu musä merä bujawereduabi: “Waabea dapa”, äri gojabu. ⁴Musäre irire gojaçu, büro güñarikuri merä, öärö yujupüräkuri marïrö merä, büro oreri merä musäre gojabu. Musäre bujawereburo, ärigü meta gojabu. Yu musäre büro maïrïre masïmakü iriduagu, gojabu.

Ñerö iridi irideare kätika! äri gojadesa

⁵Sugu musäyagu ïgü ñerö iridea merä yure bujaweremakü irimi. Yu direta irasü iribirimi. Musädere äärïpereräre bujaweremakü iridi äärïmi. Ïgü yure musä nemorö bujaweremakü irikerepuru: “Ïgüre büro wajamoäka!” ärigü meta yäa. ⁶Musä nerënarögue: “Ïgü ñerö iridea waja marï merä neö nerënemobiriköäbüro”, ärideare irisiayuro. Irasirigu yu musäre: “Tropäta ïgüre wajamoäka!” äri gojää. ⁷Ïgü ñerö irideare bujawerekeregu, ïgüre musä wajamoänemomakü, büro bujawereri merä dujabokumi. Irasirirä ïgü ñerö irideare kätï, ïgüre iritamuka, güñaturari merä äärïburo, ärirä! ⁸Irasirigu yu musäre: “Dupaturi ïgüre öärö bokatirïñeäka, musä dupuyurogue mäiderosüta ïgüre maïrïre masïburo, ärirä!” äri gojää. ⁹Iro dupuyuro musäre gojaçu: “¿Diayeta yu dorerire iriräkuri?” äri masïduagu gojabu. ¹⁰Musä ïgü ñerö irideare kätirosüta, yude irire kätia. Yure ñerö iribirikerepuru, musäre iritamuduagu: “Ïgü ñerö irideare kätia. Cristo marï ñerö irideare kätigü ïürö, irasü yäa”, äri gojää. ¹¹Marï ïgü ñerö irideare kätimäkü ïägü, wätëa opu Satanäs marïre ñerö iridoreduagu marïre tarinugämasibirikumi. Ïgü marïre ñerï irimäkü gäämerïre öärö masïa.

**Pablo: “Troague ãaríġú
gũnarikubu”, ãrĩ gojadea**

¹²Yu Troas wãikuri makãgue Jesucristoya kerere buegu ejamakũ, marĩ Opũ Jesucristo wárã irogue ãarĩrãrẽ iri kerere péduamakũ iridi ãarĩmĩ.

¹³Irasũ ãarĩkerepũrũ, marĩyagu Titore bokabirisã, buro bujawere gũnarikubu. Irasirigu iro marãrẽ: “Waagũ yáa”, ãrĩ, Macedonia nikũgue ĩgũrẽ ãmagũ waabu.

**Cristoyarã wãtĩ ñerõ iridorerire
tarinugãmasĩma, ãrĩ gojadea**

¹⁴Yu gũnarikukeregu, Marĩpure: “Mu yũre ãarõ iritamunã”, ãrĩ, usuyari sĩa. Marĩ Jesucristoyarã ãarĩmakũ, Marĩpu marĩrẽ ĩgũ iritamurĩ merã ãarĩpereri wãtĩ ñerõ iridorerire tarinugãmasĩmakũ yãmi. Marĩ Jesucristoya kerere bueri merã masakare ĩgũyamarẽ masĩmakũ yãmi. Sũrõrĩ ãarĩpererogue sũrõ seyaro irirosũ ãarĩpererogue marãrẽ masĩmakũ yãmi.

¹⁵Ãsũ ãarã. Marĩpu, marĩ Jesucristoya kerere were, ĩgũyare irituyamakũ ĩagũ, ãarĩ sũrõrĩ ĩgũrẽ sídea soemurĩ merã usuyarosũ, marĩ merã usuyami. Sũrõrĩrẽ ĩgũ ĩũrõ soemumakũ sũrõ seyarosũ, marĩ noó waaró marĩ Jesucristoyarã ãarĩrĩrẽ ĩgũ taumurãrẽ, peamegue waumurãdere masĩmakũ yãmi. ¹⁶Peamegue waumurã Jesucristoya kerere marĩ weremakũ pérã, ĩgũrẽ gãamebiri waja irogue wajamoãsuburire masĩma. Jesucristo taumurã gapũ iri kerere marĩ weremakũ pé buremurã, Marĩpu pũro ĩgũ merã ãarĩburire masĩma. Marĩ basi iri kerere ãarõ weremasĩbea. Marĩpu iritamurĩ merã irire ãarõ weremasĩa. ¹⁷Wárã gajerã Marĩpuyare buegorenarã, niyeru direta wajatadũama. Gua gapũ ĩgũsã irirosũ iribeã. Gua Cristore moãboerã, Marĩpu iriunerã ĩgũ ĩũrõ ĩgũ weredoredeare gopeyari merã wereã.

**Marĩpu Jesucristo iridea merã: “Õarõ
irigura musãrẽ”, ãrĩrĩrẽ gojadea**

3 ¹Gua musãrẽ irire ãrĩrã, dupaturĩ gua basi ãarõ werenĩrã meta yãa. Gajerã buerimasã musã pũro

ejaburi dupuyuro ĩgũsã buenerãrẽ su papera pũgue ĩgũsã buerire: “Keoro ãarã”, ãrĩrĩrẽ gojadoreñurã. Irasirirã musã pũro ejarã, iri pũrẽ musãrẽ wiañurã. Musã guare masĩsĩaã. Irasirirã gua ĩgũsã irirosũ musãrẽ iri pũnorẽ iriubeã. Irasũ ãarĩmakũ gajerogue buerã waumurã, musãrẽ iri pũnorẽ gojabosadorebeã. ²Gua iri pũnorẽ gãamebeã. Musã, gua Jesucristoya kerere weremakũ pérã, ĩgũrẽ buremu, ĩgũyare irinugãbu. Masaka, musã irasirimakũ ĩarã, gua buerire: “Keoro ãarã”, ãrĩ masĩrãkuma. Guãde gua gũnarĩgue musãrẽ: “Diayeta Jesucristore buremu, ĩgũyare irituyarã yãma”, ãrĩ masĩa. Musã irasiriri merã masaka guare: “Õãgorama”, ãrĩ masĩrãkuma. Guayamarẽ gojadea pũ merã masĩrõsũ irire masĩrãkuma. ³Jesucristo, gua ĩgũya kerere weremakũ, musãrẽ ĩgũrẽ buremu, ĩgũyare irituyamakũ iridi ãarĩmĩ. Irasirirã masaka musã ĩgũyare iririre ĩarã, ĩgũyarã musã ãarĩrĩrẽ gojadea pũ merã masĩrõsũ masĩrãkuma. Irasirirã musã Cristo gojadea pũ irirosũ ãarã. Irire masĩdoregu, papera pũgue gojadi merã gojabiridi ãarĩmĩ. Marĩpu okanĩgũ gãamerõsũta Õãgũ deyomarĩgũ turari merã musãya gũnarĩgue: “ĩgũ iritamurĩ merã gua ãsũ ãarĩrikua”, ãrĩ masĩmakũ yãmi. Irasirigũ, iripeogue Marĩpu Moisére ĩgũ dorerire pídeare ãtã majĩrĩgue gojaderosũ iribiridi ãarĩmĩ.

⁴Gua Cristo iritamurĩ merã Marĩpũre gũnaturasiã, musãrẽ irire gojãa.

⁵“Gua masĩrĩ merã i moãrĩrẽ yãa”, neõ ãrĩmasĩbeã. Marĩpu iritamurĩ merãta Jesucristoya kerere wereã. ⁶Irasirigu guare iri kerere, ĩgũ masakare: “Õarõ irigura musãrẽ”, ãrĩrĩrẽ ãarõ buemakũ yãmi. Iri kere, iripeogue Marĩpu Moisére ĩgũ doreri pídea irirosũ ãarĩbeã. Marĩpu Jesucristo iridea merã, Õãgũ deyomarĩgũ iritamurĩ merã marĩrẽ ĩgũ merã ãarõ ãarĩmakũ iriri kere ãarã. Neõ sugũ ĩgũ dorerire iripeogu mámi. Irasirirã marĩ irire iripeobiri waja peamegue waumurã dita ãarĩbokoa. Õãgũ deyomarĩgũ iritamurĩ merãta Marĩpu merã ãarõ ãarĩmasĩa.

⁷Marĩpu Moisére ìgũ doreri pídeare ùtã majĩrĩgue gojagu, ìgũ ààrĩrõgue gosewasiriri waamakũ iridi ààrĩmĩ. Irasiriro Moiséya diapu Marĩpu gosewasiriri merã kũmijũdero ààrĩbũ. Iri gosewasiriri peredijakerepuru, Israel bumarã ìgũrẽ ìãmeétumasĩbirinerã ààrĩmã. Marĩpu buro gosewasiriri merã deyoa, Moisére iri doreri pídea ààrĩkerepuru, iri doreri, masakare ìgũsã irire iripeomasĩbiri waja peamegue waamurã dita ààrĩmakũ iridero ààrĩbũ. ⁸Irasirigu Marĩpu iri doreri merã iridea nemorõ, ìgũ Òãgũ deyomarigũ iritamurĩ merã marĩrẽ ìgũ merã òãrõ ààrĩmakũ iriri òãtaria. ⁹Marĩpu, masaka Moisére ìgũ doreri pídeare iripeobiri waja ìgũsãrẽ: “Wajamoãgura”, àrĩkerepuru, òãgoradero ààrĩbũ. Iri nemorõ, Marĩpu Jesucristo iridea merã marĩrẽ: “Òãrã, waja opamerã ààrĩma”, àrĩ ìãrĩ, òãtaria. ¹⁰Irasiriro Marĩpu Moisére ìgũ doreri pídea òãrĩ ààrĩkerepuru, Jesucristoya kere gapu, iri nemorõ òãtaria. Iri kere, iri dorerire ubu ààrĩrĩ dujamakũ yãa. ¹¹Marĩpu buro gosewasiriri merã Moisére ìgũ dorerire píkerepuru, iri pereburi ààrĩdero ààrĩbũ. Jesucristo ìgũ iridea merã marĩrẽ tauri kere gapu òãtaria. Neõ ubu ààrĩrĩ ààrĩbirikoa. Neõ perebirikoa. ¹²Irasirirã gwa irire masĩsã, gũiro marĩrõ merã pẽmasĩma òãrõ musãrẽ Jesucristoya kerere werea. ¹³Iri kere, Marĩpu Moisére ìgũ doreri pídea perederosũ neõ perebirikoa. Irasirirã gwa iri kerere wererã, Moisés iriderosũ irirã meta yãa. Moisés Marĩpu merã ààrĩdero puru, ìgũya diapu Marĩpu gosewasiriri merã kũmijũdero ààrĩbũ. Israel bumarã iri gosewasiriri peredjarire masĩrĩ, àrĩgũ, ìgũya diapure surĩro gasiro merã buãadi ààrĩmĩ. ¹⁴Moisés irasirimakũ, iri gosewasiriri peredjarire masĩbiriderosũ, Marĩpu doreri ìgũrẽ pídeare: “Àsũ àrĩduaro irikoa”, àrĩ pẽmasĩbirinerã ààrĩmã. Daporaguedere Israel bumarã irire buerã, pẽmasĩbema dapa. Cristoyarã dita irire pẽmasĩma. ¹⁵Daporaguedere

Israel bumarã Marĩpu Moisére ìgũ doreri pídeare buekererã, pẽmasĩrĩ marĩrõ buema. ¹⁶Sugu masakũ marĩ Opure buremunugãmakũ, marĩ Oputa ìgũyare pẽmasĩmakũ yãmi. ¹⁷Marĩ Opu, Òãgũ deyomarigũ merã sugũta ààrĩmi. Irasirirã, Òãgũ deyomarigũ marĩ merã ààrĩmakũ: “Marĩpu Moisére ìgũ doreri pídeare marĩ tarinugãdea waja marĩrẽ wajamoãgukumi”, àrĩ gũñabea. ¹⁸Irasirirã marĩ Opuyarã ààrĩsĩã, marĩ Opu òãtarigu ààrĩrĩrẽ masĩa. Gajerãde marĩ ìgũyarã ààrĩrĩrẽ masĩma. Irasirigu marĩrẽ ìgũ òãgũ ààrĩrõsũ ààrĩmakũ gãamegũ, ààrĩpereri marĩ okarinurĩrẽ gorawayumakũ yãmi. Marĩ Opu, Òãgũ deyomarigũ merã sugũta ààrĩmi. Ìgũta marĩrẽ irasũ yãmi.

4 ¹Marĩpu guare bopoñarĩ merã ìãgũ, guare Jesucristoya kerere weremurãrẽ pídi ààrĩmĩ. Irasirirã piriro marĩrõ gũñaturari merã masakare iri kerere werea. ²Guayasiũrõ iririre, masaka ìãberogue ñerĩ iririre doogorãa. Àrĩgatori merã buebea. Marĩpuya werenĩrĩrẽ gorawayuro marĩrõ buea. Marĩpu ìũrõ diayema ààrĩrĩ direta pẽmasĩma òãrõ masakare werea, ààrĩpererã guare: “Keoro buema”, àrĩburo, àrĩrã. ³Peamegue waamurã dita Marĩpu Jesucristo iridea merã masakare tauri kerere gwa wererire pẽmasĩbema. ⁴Ìgũsã Jesucristore buremubiri waja, wãtĩ i ùmu marã ñerã opu ìgũsãrẽ iri òãrĩ kerere pẽmasĩbirimakũ yãmi. Koye ìãmerã siãgorire ìãmasĩmerã irirosũ ààrĩmakũ yãmi. Irasirirã Cristo òãtarigu ààrĩrĩrẽ ìãmasĩbema. Cristo, Marĩpu ààrĩrikurire opagu, Marĩputa ààrĩmi. ⁵Gwa Jesucristoya kerere wererã, masaka guare òãrõ gũñaburo, àrĩrã meta yãa. Ìgũsãrẽ: “Jesucristo marĩ Oputa ààrĩmĩ. Ìgũrẽta buremurõ gãamea”, àrĩ werea. Guayamarẽ wererã: “Jesús guare maĩgũ ìgũyare weredoredea merã gwa musãrẽ moãboerã irirosũ musãrẽ iritamurã yãa”, àrĩ werea. ⁶Neõgoraguere ààrĩperero i ùmugue naĩtĩarõ ààrĩmakũ, Marĩpu: “Boyori waaburo”, àrĩrĩ merãta boyori waamakũ

iridi āārímí. Īgūta iriderosū marīya gūñarīgue boyori āārīmakū yámi. Irasirīgu marīrē īgū ōātarīgu āārīrīrē masīmakū yámi. Marī Jesucristo ōātarīgu āārīrīrē masīrā, Marīpu ōātarīgu āārīrīdere masīa.

Jesucristore būremurā Marīpu merā ōārō āārīma, ārī gojadea

⁷ Gua Marīpu ōātarīgu āārīrīrē masīrā, diiarisoro ubu āārīrī soro, ōātarīri opari soro irirosū āārā. Irasirirā gajerā, gua Marīpūya kerere weremakū pérā: “Marīpu turatarīgu iritamurī merāta marīrē īgūyare werema īgūrē būremuburo, ārīrā”, ārī gūñarākuma.

⁸ Gua noó waarō ñerō tarikererū, Marīpu iritamumi, gajerā guare īgūyare wererire pirimakū iribirikōāburo, ārīgū. Irasirirā: “¿Naāsū waarokuri?” ārī gūñarikukererā: “Marīpu marīrē iritamubirikumi”, ārī gūñabea. ⁹ Gajerā guare ñerō irikererū, Marīpu guare koregū neō béowāgābemi. Īgūsā guare wējēduarā pámeēpikererū, Marīpu īgūsārē guare wējēdorebemi. ¹⁰⁻¹¹ Jesús i nikūgue āārīmakū, masaka īgūrē wējēma. Irasirirā gua īgūyarā āārīrī waja āārīpereri gua okarinurīrē āārīpererogue gua noó waarō guadere wējēduama. Marīpu gapū Jesúre dupaturī okamakū iridi āārímí. Irasirīgu, gua boaburi dupure opakerepū, guare Jesús okari sīrīrē opamakū yámi gajerā irire masīburo, ārīgū. ¹² Irasirirā gua Jesúya kerere wereri waja gajerā guare wējēma goero āārīkererū, musā gapū iri kerere būremurā, Marīpu pūro perebirī okari opamurā āārā.

¹³ Marīpūya werenírī gojadea pūgue āsū ārī gojasūdero āārībú: “Yū Marīpūre būremubu. Irasirīgu īgūyare werebū”. Guade irasūta būremua. Irasirirā īgūyare werea. ¹⁴ Ire masīa. Marīpu, marī Opū Jesúre boadīguere masūdi āārímí. Īgūrē masūderosūta marī Jesúyarā āārīmakū, marīdere masūgukumi. Irasirīgu marīrē īgū pūrogue āimurīagukumi īgū merā āārīdoregū. Gua irire masīsā, musārē īgūyare werea.

¹⁵ Irasirirā musārē iritamuduarā musā ōārō āārīburi i āārīpererire irirā ñerō taria. Wārā gajerādere gua wererire pérā Marīpu Jesús merā ōārō iririre masīmakū gāamerā, irasū yáa. Irire masīrā, īgūrē: “Ōātarīa mu”, ārī, usuyari sīrākuma.

¹⁶ Irasirirā gua ñerō tarikererā, piriro marīrō gūñaturari merā masakare īgūyare werea. Ūmurīku guaya dupuma turari perewāgākererū, Marīpu guare gūñaturamakū yámi. ¹⁷ Irasirirā gua Jesúya kerere wereri waja gua daporare ñerō taririre, Marīpu pūrugue guare irīburi āsū ārī gūñáa: “Marī ñerō tariri, pereburi āārā. Marīpu pūrugue nemorō ōārī irīburi gapū neō perebirikoa. Buro usuyari merā īgū pūro āārīnīkōārākoa”. ¹⁸ Daporare gua i nikūmarē īārīrē gūñarikubea. Ūmugasima iāña marīrīrē, irogue Marīpu merā āārīburi gūñáa. Gua daporare i nikūmarē īārī, pereakōarokoa. Ūmugasima iāña marīrī gapū āārīnīkōārakoa.

5 ¹ Marī ire masīa. Marīya dupū, marīya wii irirosū āārā. Wii irirosū marīya dupū boamakū, Marīpu gaji wii marīrē sīrōsū gaji dupū ūmugasima dupure sigukumi. Iri dupū, masaka irīdea dupū meta āārīrokoa. Irasiriro neō boabiri dupū āārīrokoa. ² Marī i nikūma dupure oparā yūjupūrākuturabiri, būjawereri merā ñerō taria. Maama wii marī ōārō āārīburi wiire buro opaduarosū, ūmugasima dupure buro gāamea. ³ Surīro maamañerē sāñaduarosū iri dupure gāamea. Surī marīrā āārīduamerā irirosū, dupū marīrā āārīduabea. ⁴ I nikūma dupure oparā yūjupūrākuturabiri, gūñarīku, ñerō taria. Ñerō tarikererā, marīya dupū, boaburi dupure béoduarā meta yáa. Maama dupū, neō boabiri dupū gapure buro opaduaa. Iri dupure oparā, Marīpu pūro īgū merā āārīnīkōārākoa. ⁵ Marīpu marīrē maama dupure opamurā āārīmakū iridi āārímí īgū pūro ōārō āārīburo, ārīgū. Marīrē irire masīburo, ārīgū, Ōāgū deyomarīgūrē marī merā āārīdoregū sīdupuyudi āārímí.

⁶ Irasirirā Marīpūre gūñaturanīkōāa. Ire masīa. Marī i nikūma dupūkūrā, marī

Opu puro aaribea. 7 Igure iabirikerera: "Diayeta igu ariderosuta irigukumi", ari buremurire neo piribea. 8 Gunaaturari merä mariya aariburire asu ari gunaa: "Marä boarä, i niküma dupure beora, marä Opu puro buro usuyari merä aariräkoa. Irire buro gaamea marä". 9 Irasirirä marä Opure marä merä usuyamakü iriduarä, i nikügue aarirä, o igu purogue aarirä, igu gaamerire iriduäa. 10 Marä Cristo purogue waamakü, marä aaripereräre igu diaye nidoregukumi marä i nikügue aarirä irideare werebu. Irasirigu, marä oari irideare, o nerä irideare keoro weregukumi. Marä, igu irasiriburire masirä, igu gaamerire iriduäa.

Maripu merä oaro aaririmarä gojadea

11 Irasirirä gopeyari merä marä Opu Jesucristore buremua. Gua masakare igüsä igure buremumakü gaamerä, iguyare werea. Maripu gua iririre masimi. Yu, musädere gua iririre: "Oaro yama", ari masimakü gaamea. 12 Yu musäre gojagu, dupaturi guayamarä: "Oagoräa", ari gojagu meta yäa. Guare oaro masi, usuyari merä gunaburo, arigü, musäre gojää. Gajerä buerimasä: "Gajerä nemoro oarä aarä", ari gunarä, masaka iuro direta oarä irirosü aarima. Igüsä aaririkuri gapure pëmasibema. Guare: "Keoro buebema", ari werewuamakü, müsä igüsärä oaro yujuräkoa. 13 Gajerä gua iririre iärä: "Niäsürä yama", ari iäkerepuru, niäsürä meta yäa. Maripu gaamerire irirä, irasü yäa. Pëmasiri merä musäre iritamurä yäa. 14 Cristo suguta marä aaripereräre maigü marä nerä iridea waja marire boabosadi aarimi. Irasirirä marä aaripererä igu merä boanerä irirosü dujabu. Gua irire gunarä: "Diayeta aarä", ari gunaa. Irasirirä iguyare piro marirö yäa. 15 Aaripererä marä nerä iridea waja marire boabosadi aarimi, marä gaamerö irinemobiriköaburo, arigü. Marä oaro aariburire marire boabosa, masadi aarimi igu gaamerire iridoregu. 16 Irasirirä igure masisä, i ümu marä

igure masimerä gajerärä werewuari merä iärä irirosü neo iäbea. Iripoegure yu igurä: "Ubu aarigü, i nikümüta aarimi", ari iäunabu. Dapora gapure igurä masia. 17 Marä Cristoyarä najämakü, Maripu marire maama aaririkurire opamakü iridi aarimi. Irasirirä marä iguyarä aariburi dupuyurogue aaririkuunaderosü neo aaribeä.

18 Maripu marire iri aaripererire irasiridi aarimi. Iripoegure marä, Maripu merä oaro aaribiriananerä aaribä. Irasirigu Maripu, Cristo boari merä marire igu merä oaro aarimakü iridi aarimi. Aaripererä irasü aarimakü gaamegü, guare igüya kerere weredoregu pidi aarimi. 19 Iri kere asu ärä: "Maripu, Cristo boari merä aaripererä i ümu marärä igu merä oaro aariburire pidi aarimi. Igüsä nerö iridea wajare peremakü iridi aarimi". Irasirigu aaripereräre igu merä oaro aarimakü gaamegü, guare iri kerere weredoregu pidi aarimi. 20 Irasirirä Cristore wereboerä igu iriunerä aarä. Gua iguyare wererä, Maripu igu basi masakare wereboderosüta gua igüsärä asu ari werea: "Cristore wereboerä iguyare wererä yäa. Irasirirä müsärä: 'Maripu merä oaro aarika!' " ari werea. 21 Cristo neo nerä iribirikerepuru, Maripu, marä nerä iridea waja marire wajamoaboderosü igurä iridi aarimi marire Cristoyarä aaridoregu. Igu gaamerösüta igu irirosü marire diaye irirä aaridoregu, irasiridi aarimi.

6 1 Gua Maripuyare moarä aarisä, turaro merä müsärä: "Maripu Cristo merä müsärä oaro iritamudeare ubu aaririre irirosü iäbeobiriköaburo, arirä, iguyare irinököaka!" ari werea. 2 Maripu igüya wereniri gojadea pügue asu aridi aarimi:

Yu müsärä: "Oaro iritamugra", arideare iriripoe aarimakü, müsä sererire pëbu. Yu tauripoe aarimaküdere müsärä iritamubu, aridi aarimi."

Irasirirä gua wererire oaro péka! Daporare masaka Maripure: "Yure

“6.2 Is 49.8

iritamuka!" āri sērērārē ĩgũ pėduaripoe āārā. Daporare ĩgũrē: "Yure tauka!" āri sērērārē ĩgũ tauduaripoe āārā, āri werea.

³ Gua Marĩpũyare buerire ñerō werenĩrĩ, ārĩrā, gua neō sugunorē ñerō iribea, ĩgũyare piribokumi, ārĩrā. ⁴ Āārĩpereri gua iriri merā Marĩpure moāboerā āārĩrĩrē gajerārē masĩmakũ gāāmerā, āsũ gapũ yāa. ĩgũyare buegorenarā, ñerō taririre, gua gāāmerĩrē opabirire, ñerō guare waarĩre òārō merā gũñatura, bokatĩũa. ⁵ Gajipoere gajerā guare tārāma. Peresugue biadoboma. Gajipoere wārā masaka nerē, guarĩ merā gainĩma guare wējėduarā. Gajipoere buro poyari merā moābũ. Kārĩrō marĩrō, ũaboari merā moābũ.

⁶ Gua Marĩpure moāboerā āārĩrĩrē masakare masĩmakũ gāāmerā, idere yāa. ĩgũsārē ĩgũyare buerā, òārĩ direta ĩriduari merā, diayema āārĩrĩ masĩrĩ merā, bopoñarĩ merā, iritamuduari merā, Ōāgũ deyomarĩgũ guaguere āārĩrĩ merā, diaye maĩrĩ merā, ⁷ diayema āārĩrĩrē wereri merā, Marĩpũ turari merā buea. Sugu masakũ ĩgũ mojòkuri merā ĩgũ merā gāmekēāduagure kāmuta tarinugāgũ ĩrirosũ gua diayema iriri merā ñerĩrē kāmuta tarinugāa. ⁸ Gua masakare buemakũ, surāyeri guare bũremurĩ merā ĩāma. Gajerā guare bũremubema. Surāyeri guare òārō werenĩma. Gajerā guare ñerō werenĩma. Diayema āārĩrĩrē gua werekererũ: "Ārĩgatori merā buema", ārĩma. ⁹ Gajerā guare ĩāmasikererā: "Ubu āārĩrā āārĩma", ārĩsĩā, ĩāmasĩmerā ĩrirosũ ĩāma. Gua noó waarō gajerā guare wējėduakererũ, okāa dapa. Guare buro wajamoākererā, wējėbema. ¹⁰ Gua bujawereri merā āārĩkererā, ũsyanĩkōāa. Boporā āārĩkererā, gua buerire pėrārē wajaparire opamakũ ĩrirosũ yāa. Wārĩ ĩ ũmumarē opabĩkererā, Marĩpũ merā āārĩpereri òārĩrē opāa.

¹¹ Guayarā Corinto marā, gua musārē gojarā, gua gũñarĩrē diayeta gojāa.

Musārē gua buro maĩrĩrē masĩmakũ gāāmea. ¹² Gua musārē maĩrĩrē neō piribea. Musā gapũ guare maĩturabea. ¹³ Irasĩrigũ sugu ĩgũ pũrārē wererosũ, musārē āsũ āri weregũra. Yũ musārē diaye maĩrōsũta yudere maĩka!

Marĩpu okanĩgũ marĩ merā āārĩmi, ārĩ gojadea

¹⁴ Cristore bũremumerā merā sũrosũ āārĩbirĩkōāka! Sugu òārĩrē ĩrigũ, ñerĩrē ĩrigũ merā òārō gāmesurĩbemi. Boyorogue āārĩrā ĩrirosũ Marĩpure masĩrā, naĩtĩārōgue āārĩrā ĩrirosũ Marĩpure masĩmerā gāme wapĩkũmasĩbema. ¹⁵ Cristo, wātēa opu merā sũrosũ gũñabemi. Cristore bũremugũ, Cristore bũremubi merā sũrosũ gũñarĩrē opabemi. ¹⁶ Marĩpure bũremurĩ wii ĩgũ āārĩrĩ wii, masaka ĩgũsā bũremurĩ keori weadeare pĩburi wii āārĩbea. Marĩ, Marĩpu okanĩgũyā wii ĩrirosũ āārĩsĩā, ĩgũ direta bũremua. ĩgũyā wiiigue āārĩrōsũta marĩ merā āārĩmi. ĩgũyā werenĩrĩ gojadea pũgue irire āsũ āri weredi āārĩmi:

Yũ ĩgũsā merā āārĩgũ, ĩgũsā watopegue āārĩnĩkōāgũkoa. Yũ ĩgũsā opu āārĩgũkoa. ĩgũsā, yaarā āārĩrākuma, ārĩdi āārĩmi.^b

¹⁷ Irasĩrigũ marĩ opu āsũ ārĩnemodi āārĩmi:

Ñerō ĩrĩrikurārē wapĩkunemobĩrĩkōāka! ĩgũsā ñerĩ ĩrĩrĩre ĩrĩbirĩkōāka! ĩgũsā ĩrirosũ ñerĩ ĩrĩbirĩmakũ, yũ musārē òārō bokatĩrĩñeā, wapĩkunĩkōāgũkoa.^c

¹⁸ Yũ, Musāpu āārĩgũkoa. Musā yũ pũrā āārĩrākōa, ārĩdi āārĩmi marĩ opu āārĩpererā nemorō turagũ.^d

7 ¹ Yaarā yũ maĩrā, musārē ĩre werea. Marĩ, ĩ Marĩpu ārĩdeare pėrā, āārĩpereri ñerō ĩrĩrĩre, ñerĩ gũñarĩdere pĩrĩrā! Irasĩrĩrā gopeyari merā ĩgũrē bũremu, ĩgũ gāāmerĩ direta ĩrĩnĩrā!

Pablo, Corinto marā gũñarĩ gorawayudeare gojadea

² Guare maĩka! Gua musārē neō poyanorēbirĩbũ. Gua bueri merā musārē

^b 6.16 Lv 26.12; Ez 37.27 ^c 6.17 Is 52.11 ^d 6.18 2 S 7.14; 1 Cr 17.13; Is 43.6; Jer 31.9

ñerō irimakū iribiribu. Neō sugunorē musā merāmūrē ārigatori merā igūyare āiābiribu. ³Yū irire irasū ārigū: “Musā guare ñerō werenídea waja opáa”, ārigū meta yáa. Gua musārē buro maírī merā gūñanía. Yū irire musārē weresiabu. Irasirirā marī okará, o boará, suro merāta āārīnirākoa. ⁴Yū, musā oārō iriri kerere pégu: “Diayeta yáma”, āri gūñáa. Irasirigu ñerō tarikeregu, gūñatura, buro usuyáa.

⁵Gua Macedonia nikūgue ejarāgueta neō siuñajārī bokabiribu. Noó waaró ñerō taribu. Gajerā gua merā gāme guaseodūama. Musārē gua buenerārē gūñarā, buro gūñarikubu. ⁶Marīpu, bujawereri merā āārīrārē gūñaturamakū irigu gapu Tito gua pūroge ejari merā guare gūñaturamakū irimi. ⁷Igū gua pūroge ejari direta usuyabiribu. Musā igūrē gūñaturamakū irideare igū weremakū pérā, buro usuyabu. Musā yure iāduarire, musā yure werewuadeare bujawereri merā āārīrārē, musā yure gūñarikūrē guare weremi. Yū irire pégu, buro usyanemobu.

⁸Yū musā ñerō irideare musārē gojadupuyudea pū merā yoaweyaripoe bujaweremakū iribu. Irasirigu: “Yū gojabirimakū oāboyo”, āri gūñabu. Irasū āri gūñakeregu, daporare: “Yū irire gojamakū oāgorabu”, āri gūñáa. ⁹Irasirigu daporare usuyagu, musā bujaweredearē usuyagu meta yáa. Yū musārē gojadea pūrē buedero pūgu, musā ñerō irideare gūña, Marīpu gāāmerōsūta bujawereyuro. Musā gūñarārē gorawayu, ñerō iririre piriyuro. Irī gapu yure usuyamakū yáa. Musārē bujaweremakū irikeregu, neō poyanorēbiribu. ¹⁰Marī ñerō irideare gūñarā, Marīpu gāāmerōsūta bujawere, marī gūñarārē gorawayu, ñerī iririre pirirā, peamegue waabonerā tausūrākoa. Gajerā i ūmu marā Jesúre buremumerā gapu Igūsā ñerō irideare bujawerekererā, igūsā gūñarārē neō gorawayubema. Ñerī iririre piribema. Irasirirā peamegue waamurā āārīma. ¹¹Musā gapu musā ñerō irideare gūñarā,

Marīpu gāāmerōsūta bujawereyuro. Irasirirā musā iririre gopeyari merā gūñanugāyuro. Musā ñerō irideare piririre gajerārē buro masīmakū gāameyuro. Musā ñerō irideare gūñariku, buro bujawere, gūiyuro. Irasirirā yure buro iādūayuro. Ñerī irigure wajamoāyuro, igū ñerō irideare dupaturi iribirikōāburo, ārīrā. Āārīpereri musā irasiriri merā musā daporare diaye irirā āārīrārē guare imua. ¹²Irasirigu yū musārē gojadupuyugu, ñerō iridire igū ñerō irididere iritamudūagu iribu. Musādere iritamubu, iri pūrē gojabu, Marīpu iūrō guare musā oārō gūñarārē masīburo, ārigū. ¹³Irasirirā musā guare gūñaturamakū yáa.

Irasū āārīmakū musā Titore oārō bokatīrīneārē igūrē usuyamakū iriyuro. Gua irire pérā, musā merā usyadero nemorō usyanemobu. Musā igūrē oārō āārīrikumakū iriyuro. ¹⁴Tito musā pūro waaburi dupuyuro yū musā roge usyariye igūrē werebu. Igū irigere ejamakū, yū ārīderosūta igūrē oārō iriyuro. Irasirigu yū igūrē weredearē guyasīrībea. Gua musārē diayema āārīrī direta wererosūta gua Titore musāyamarē weredeade diayeta āārībá. ¹⁵Musā pūroge igū ejamakū, āārīpererā buremurī merā igūrē oārō bokatīrīneayuro. Gopeyari merā igū dorerire iriyuro. Musā irasirideare gūñagū, musārē maidero nemorō maīnemomi. ¹⁶Yū, musā oārō iririre masīsīa, “Oārō yáma”, āri, buro usuyáa.

Gajerārē Igūsā gāāmerirē siburimarē gojadea

8 ¹Gwayarā, gua musārē ire masīmakū gāamea. Marīpu Jesúre buremurī buri marārē Macedonia nikūgue āārīrārē oārō iritamumi. ²Igūsā buro ñerō tarikereā, gajerārē iritamuma. Buro bopokereā, igūsāya niyerure maírō marirō, buro usyari merā igūsārē siburire neeōnama. ³Igūsā gāāmerō āārīpereri igūsā sirō bokatīūrō sikereā, sinemonama. Yū, igūsā irasirideare masīa. Irasirigu musārē

irire werea. ⁴Marĩpuyarãrẽ boporãrẽ iritamuduarã, ìgũsãrẽ sĩduarire guare: “Àĩabosaka!” àrĩ sërẽma. ⁵Irasũ àrĩrã, gwa gũñadero nemorõ òãrõ yãma. Niyerure ìgũsã sĩburire neeòburi dupuyuro marĩ Opũre: “Mũ gãamerĩ direta iridũakoa”, àrĩma. Pũrũ guare: “Marĩpũ gãamerõsũta musã dorerire irirãra” àrĩma. ⁶Ìgũsã irasirideare ìrãrã, gwa Titore musã pũro Corintogwe waadorebũ. Iro dupuyuro musã pũrogue àãrĩgũ, boporãrẽ iritamuburire niyerure sërẽ, neeònugãdi àãrĩmĩ. Irasirirã, musã òãrõ irinũgãderosũta irire odonũburo, àrĩrã, ìgũrẽ iriua. ⁷Musã Marĩpũyare àãrĩpererire òãrõ yãa. Ìgũrẽ diayeta bũremua. Ìgũya kerere ìgũ masĩrĩ sĩrĩ merã keoro buea. Ìgũ gãamerõsũta gajerãrẽ òãrõ iritamudũaa. Guare bũro maĩa. Irasirirã musã i àãrĩpererire òãrõ irirosũta musã boporãrẽ sĩburi neeòrĩdere òãrõ irika!

⁸Yũ irire musãrẽ irasũ àrĩgũ, turaro merã: “Ìgũsãrẽ niyeru sika!” àrĩgũ meta yãa. Macedonia marã boporãrẽ òãrõ iritamudeare werea, ìgũsã irirosũ musãde diayeta maĩrĩ merã boporãrẽ iritamuduarire masĩduagu. ⁹Ire musã masĩa. Marĩ Opũ Jesucristo marĩrẽ bũro maĩgũ, marĩrẽ òãrõ iritamudi àãrĩmĩ. Àãrĩpereri ùmũgasiguema òãrĩrẽ opagu àãrĩkeregũ, marĩya àãrĩburire i nikũguere aarigũ, bopogu irirosũ aaridi àãrĩmĩ, marĩrẽ àãrĩpereri ùmũgasiguema òãrĩrẽ opaburo, àrĩgũ.

¹⁰Irasirigu yũ musãrẽ: “Àsũ irimakũ òãgorabokoa”, àrĩ gũñarĩrẽ weregura. Musã gapũ si bojori merã gajĩ makã marã dupuyuro boporãrẽ niyeru sĩburire usũyari merã neeòpũrorisiabũ. ¹¹Irasirirã musã usũyari merã neeòpũroriderosũta daporare sũywarikũka! Wãro oparã, wãro sika! Mèrõgã oparã, mèrõgã sika! ¹²Usũyari merã musã sĩduaropã sĩmakũ, Marĩpũ musã merã usũyagukumi. Wãro opamerãrẽ wãro sĩdorebemi.

¹³Yũ musãrẽ: “Boporãrẽ iritamuka!” àrĩgũ, “Ìgũsã gapũ wãro oparã dujaburo, musã gapũ boporã dujaka!” àrĩgũ meta yãa. ¹⁴Àãrĩpererã sũrosũ àãrĩrikuburo, àrĩgũ, irire irasũ àrã. Daporare musã opari merã ìgũsãrẽ iritamumasia. Pũrugue musã gãamerĩrẽ opabirimakũ, ìgũsãde musãrẽ iritamumasĩrãkuma. Musã irasũ gãme sĩa, musã gãamerĩrẽ opapeokòãrãkoa. ¹⁵Marĩpũya werenĩrĩ gojadea pũge marĩ gãme sĩrĩrẽ àsũ àrĩ gojasũdero àãrĩbũ: “Wãro opadi gajigu nemorõ opabirimi. Mèrõgã opadide mèrõgã opakeregũ, ìgũ gãamerĩrẽ opapeokòãmi”, àrĩ gojasũdero àãrĩbũ.

Tito ìgũ merãmarã merã Corintogwe waadea

¹⁶Yũ musãrẽ bũro iritamuduarosũta Marĩpũ Titore musãrẽ iritamuduamakũ yãmi. Irasirigu Marĩpũre usũyari sĩa. ¹⁷Tito, gwa ìgũrẽ musã pũrogue waadoreburi dupuyurogueta musãrẽ iritamugũ waadũasiadi àãrĩmĩ. Irasirigu, gwa ìgũrẽ waadoremakũ pègu: “Jãũ, waagũra”, àrĩ yũjũmi.

¹⁸Ìgũ merã gajigu marĩyagure iriua. Àãrĩpererogue Jesũre bũremurĩ buri marã ìgũrẽ: “Marĩpũ masakare Jesucristo iridea merã tauri kerere òãrõ buemi”, àrĩ werenĩnũrã. ¹⁹Ìgũrẽta beyenerã àãrĩmã, niyerure boporã pũrogue gwa àĩãmakũ guare wapikuburo, àrĩrã. Iri niyerure musã gajerã merã neeòdeare gwa boporãrẽ sĩmakũ ìrãrã: “Marĩ Opũ marĩrẽ òãrõ iritamugũ yãmi”, àrĩrãkuma. Marĩ ìgũsãrẽ bũro iritamuduarire masĩrãkuma. ²⁰Gwa iri niyerure wãro musã neeòdeare òãrõ kore, boporãrẽ keoro sĩrãkoa, gajerã guare: “Keoro iribirima”, àrĩ werewaabirikòãburo, àrĩrã. ²¹Gwa marĩ Opũ ìũrõ, masaka ìũrõdere diayemarẽ iridũaa.

²²Irasirirã Titosã merã gajigu marĩyagure iriua. Gwa, ìgũ gajerãrẽ òãrõ iritamumakũ wãri ìabũ. Irasirigu

° 8.15 Exodo 16.13-18: Iripoegue Israel bumarã masaka marĩrõgwe waagorenamakũ, ùmũrikũ Marĩpũ ìgũsãrẽ manã wãikuri baari sidi àãrĩmĩ. Irasirigu Marĩpũ dorederosũta Moĩsès ìgũsãrẽ irire keoro seadoredi àãrĩmĩ, ìgũsãku ìgũsã baaburire opaburo, àrĩgũ.

daporare musâ gajerârê iritamuduarire pêsîâ, îgû dupuyuro musârê iritamuduardero nemorô iritamugû waadûami. ²³Masaka Titoyamârê sêrêñamakû, îgûsârê âsû ârî yujûka: “Pablo merâmû, îgû merâ moâgû âârîmi musârê iritamubu”, ârîka! Gajerâ îgû merâ waamurârê sêrêñamakû, âsû ârîka: “Jesûre buremurî buri marâ iriuanerâ âârîma. Cristoyare iriri merâ gajerârê Cristore: ‘Ôatarimi’, ârî, usuyari sîmakû yâma”, ârîka! ²⁴Irasirirâ gua Titosârê: “Corinto marâ musârê ôârô bokatîrîñeârâkuma”, ârî wererosûta ôârô bokatîrîñeâka! Musâ irasiririre pêrâ, îgûsârê iriuanerâ musâ îgûsârê maîrîrê masîrâkuma.

Jesûre buremurârê niyeru sîburi neeôrîrê gojadesa

9 ¹Yû musârê gojagu: “Îgûsâ gajerâ Jesûre buremurârê niyeru sîburi neeôrîrê masîsiama. Irasirigû irire gojanemobea”, ârî gûñâa. ²Yû, gajerârê musâ iritamuduarire masîsiâa. Irasirigû usuyari merâ Macedonia nikû marârê âsû ârî werebû: “Si bojorire Corinto marâ Acaya nikûgue âârîrâ, gajerâ Jesûre buremurârê boporârê iritamudûasiama”, ârîbû. Irire pêrâ, wârâ Macedonia nikû marâde musâ irirosû usuyari merâ îgûsârê iritamudûama. ³Yû Macedonia nikû marârê: “Corinto marâ niyeru sîrâkuma”, ârîderosûta waamakû gâamea. Irasirigû iri niyeru musâ sîduarire yû musâ pûroge ejaburi dupuyuro neeô dosiaburo, ârîgû, Titosârê iriua. ⁴Yû Macedonia nikû marâ merâ musâ pûroge ejagu, musâ sîduarire neeô odobirimakû îâgû, gûyasîrîbokoa. Yû îgûsârê: “Corinto marâ boporârê sîrâkuma”, ârîdero pûrû musâ sîbirimakû îâgû, gûyasîrîbokoa. Musâde irasûta gûyasîrîbokoa. ⁵Irasirigû: “Yû musâ pûroge ejaburo dupuyuro Titosârê iriupûrorigûra”, ârî gûñâa. Îgûsâ iroge ejarâ, musârê iritamurâkuma musâ:

“Sîrâkôa”, ârîdeare iri odoburo, ârîrâ. Irasirirâ gua musâ pûroge ejamakû, gua musârê sîdoroerô marîrô musâ gajerârê sîduarire bûro iritamuduari merâ, neeô odosiarâkôa.

⁶Ire gûñaka! Méri yeri otedi, mérigâ dukâ seagukumi. Wâri yeri otedi, wâri dukâ seagukumi. Iri irirosû marî boporârê mériogâ sîmakû, Marîpû marîrê mériogâ sîgukumi. Wâro marî sîmakû, wâro sîgukumi. ⁷Irasirirâ musâ: “Ôôpâ sigûra”, ârî gûñaderosûta sîka! “Sîduabirikerepûrû, yûre sîdorema. Irasirigû sîgûkôa”, ârî gûñarô marîrô sîka! Marîpû, usuyari merâ sîrârê maîmi. ⁸Âârîpereri ôârîrê musârê sîmasîmi musâ gâamerîrê opapeokôâburo, gajerâdere musâ opari merâ ôârô iritamunfôâburo, ârîgû. ⁹Marîpûya werenîrî gojadesa pûge irire âsû ârî gojasûdero âârîrbû:

Ôâgû boporârê wâro sîmi. Îgûsârê ôârô iritamurî neeô perebirikôa.^f

¹⁰Marîpû, oterimasûrê oteri koyere îgû oteburire opamakû yâmi. Oterimasû irire otedero pûrû, Marîpû îgû otedearê dukakumakû yâmi masaka baaburire. Irire irirosû musârê âârîpereri musâ boporârê sîburire opamakû irigûkumi. Irire sîdero pûrû, musâ opadero nemorô musâ boporârê sînemoburire opamakû irigûkumi. ¹¹Marîpû musârê âârîpereri ôârîrê opamakû irigûkumi gajerârê wâro sîburo, ârîgû. Irasirirâ gua iri niyerure musâ neeodeare mariyarâ boporârê sîmakû îârâ, Marîpûre usuyari sîrâkuma. ¹²Musâ îgûsârê iritamurâ, îgûsâ gâamerîrê direta sîrâ meta yâa. Marîpûre: “Ôâtaria, mu îgûsârê guare sîmakû iriri”, ârî, usuyari sîmakû yâa. ¹³Musâ îgûsârê iritamumakû îârâ: “Corinto marâ Cristoyare ôârô yâma. Guare wâro sîrâ, gajerâdere ôârô sîma”, ârîrâkuma. Irasirirâ Marîpûre bûro usuyari sîrâkuma. ¹⁴Îgû musârê ôârô iritamurîrê masîrâkuma. Irasirirâ musârê bûro maîrî merâ musâya âârîburire îgûrê sêrêbosarâkuma.

¹⁵Marĩpu Jesucristo merã marĩrẽ õãtariro iridi ããrĩmĩ. Īgũ irasũ irideare marĩ werenĩrĩ merã wereduarã, werepeomasĩna máa. Irasirirã Īgũrẽ: “Õãtaria mũ”, ãrĩ, usũyari sia.

Pablo ĩgũ Jesús buedoregu pĩdi ããrĩrĩrẽ gojadea

10 ¹Yũ Pablo musãrẽ gajĩ weregura. Ire weregu, Cristo turiro marĩrõ bopõnarĩ merã werederosũta musãrẽ wereduãa. Surãyeri musã pũro ããrĩrã, yũre ãsũ ãrĩnũrã: “Marĩ merã ããrĩgũ, turabi ubu ããrĩgũ irirosũ marĩrẽ weremi. Gajerogue ããrĩgũ, marĩrẽ buro turari merã were gojami”, ãrĩnũrã. ²Irasirigu musãrẽ ãsũ ãrĩ werea. Yũ musã pũrogue ejamakũ, yũre turaro merã weremakũ iribirikõaka! Gajerã musã watopegue ããrĩrã guare: “I ãmũ marã irirosũ ĩgũsã gããmerĩ direta irirã yãma”, ãrĩnũrã. Irasũ ãrĩrãrẽ turaro doreri merã weregura. ³Gua i ãmũgue ããrĩkererã, guare ĩaturĩrãrẽ wererã, i ãmũ marã irirosũ iribeã. ⁴I ãmũ marã ĩgũsã turaro merã ĩgũsãrẽ ĩaturĩrãrẽ tarinũgãmurã werema. Gua gapũ Marĩpu doreri merã ĩgũsãrẽ werea, ĩgũyare ãrĩgatori merã gũnarĩrẽ: “Diaye ããrĩbeã”, ãrĩ masĩburo, ãrĩrã. ⁵Iri doreri merã Marĩpũyare: “Diaye ããrĩbeã”, ãrĩrãrẽ diayema ããrĩrĩrẽ masĩmakũ irimasĩa. “Masĩtaria”, ãrĩ gũnarãrẽ ããrĩpereri ĩgũsã gajerãrẽ Marĩpũre masĩbirimakũ iririre pirimakũ irimasĩa. Iri doreri merã ããrĩpereri ĩgũsã gããmerõ gũnarĩrẽ pirimakũ irimasĩa, Cristo gapũre gũña, ĩgũ gããmerĩ direta iriburo, ãrĩrã. ⁶Musã: “Īgũ dorerire tarinũgãbirikoa”, ãrĩdero pũrũ, iri dorerire tarinũgãgũnorẽ gua wajamoãmasĩa.

⁷Musã gajerãrẽ ĩãrã, ĩgũsã iririkuri direta ĩãrã yãa. ĩgũsã gũnarĩ gapũre neõ ĩãmasĩbeã. “Cristoyagu ããrã”, ãrĩgũno guadere: “Cristoyarã ããrĩma”, ãrĩ masĩdorea. ⁸Yũ musãrẽ: “Marĩ Opũ guare ĩgũyare buedoregu pĩmi”, ãrĩ werekeregu, irire gũyasĩrĩbeã. Guare irasũ buedoregu, musãrẽ iritamudoregu pĩmi. Musãrẽ poyanorẽdoregu meta

pĩmi. ⁹Yũ musãrẽ gojagu, yũ gojari merã gũkamakũ iriduagu meta yãa.

¹⁰Surãyeri musã watopegue ããrĩrã ãsũ ãrĩma: “Pablo marĩrẽ gojagu, buro turari merã doremi. Irasirikeregu, marĩ merã ããrĩgũ, turabi ubu ããrĩgũ irirosũ marĩrẽ weremi”, ãrĩma. ¹¹Irire irasũ ãrĩgũnorẽ ãsũ ãrĩ weregura: “Gua gajerogue ããrĩrã, musãrẽ: ‘Ásũ irirãra’, ãrĩ gojaderosũta musã pũrogue ejarã, irire irirãkoa”.

¹²Surãyeri musã watopegue ããrĩrã ĩgũsã basi: “Marĩ gapũ õãrõ masĩa, gajerã nemorõ ããrã”, ãrĩ gãme werenĩma. Irasũ ãrĩ werenĩkererã, masĩbema. Gua gapũ ĩgũsã irirosũ gua basi gua iririre neõ werenĩnabeã. ¹³Irasirirã gua musãrẽ wererã, Marĩpu guare buedoregu pĩdea direta werea. Gajerãrẽ ĩgũ pĩdeare irirã meta yãa. ĩgũta guare pĩmi musãdere buedoregu. ¹⁴Irasirirã, ĩgũ guare buedoregu pĩderosũta musãrẽ Cristoya õãrĩ kerere buepurorirã ejabu. Irogue musãrẽ buerã ejarã, ĩgũ guare dorederosũta iribu. ¹⁵Īgũ guare buedoregu pĩderosũta iririre wererã, keoro werea. Gajerã iririre: “Gua iriri ããrã”, neõ ãrĩbeã. Musãrẽ buerã, musãrẽ Cristore bũremunemomakũ gããmeã. Musã bũremunemomakũ ĩãrã, Marĩpu guare dorederosũta irirã, gajerã musã pũrogue ããrĩrãrẽdere buerãkoa Cristore bũremuburo, ãrĩrã. ¹⁶Pũrũ yorogue marãrẽ Marĩpu Jesucristo merã masakare tauri kerere pẽmerãrẽ buerã waarãkoa. Gajerã iri kerere buederoguere buerã waa: “Gua bueri gapũre pẽrã, Jesucristore bũremunũgãma”, ãrĩrã meta yãa.

¹⁷Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ: ‘Gajerã nemorõ masĩgũ ããrã’, ãrĩbirikõãburo. Irasũ ãrĩrõno irigu marĩ Opũ gapũre: ‘Turatarigu ããrĩsĩa, marĩrẽ õãtariro iridi ããrĩmĩ’, ãrĩburo”, ãrĩ gojasũdero ããrĩbũ. ¹⁸Sugũ ĩgũ basi: “Õãrõ yãa”, ãrĩ werenĩrĩ wajamãa. Marĩ Opũ: “Õãrõ yãmi”, ãrĩ ĩãsũgũ gapũ diayeta õãrõ irigu ããrĩmi.

Pablo ãrĩgatori merã buerimasãyamarẽ gojadea

11 ¹Daporare musãrẽ mẽrõgã yaamarẽ ãrĩmoãmagũ irirosũ

were gojagura. Yu irasū āri gojarire gariborero marirō buemakū gāamekoa. ²Marīpu musārē maīrōsūta yude buro maīa. Musā yu magō irirosū āārā. Cristo musā marāpu āārību irirosū āārīmi. Irasirīgu, yu magō gajerā ūma merā neō ñerō iribeo sugureta marāpukumakū gāamegū irirosū, yu musārē Cristoyarā dita āārīmakū gāamea. ³Irasū gāamekeregu: “Evare iripoegue waaderosū īgūsādere waabokoa”, āri gūñarikua. Wātī, pīrū irirosū deyoa, īgū masīrī merā ārigatomakū pēgo, Marīpu dorerire tarinūgādeo āārīmō. īgū iriderosū gajerā musārē ārigatomakū pērā, musā gūñarīgue Cristoya direta musā iriduarire piribokoa. ⁴Musā āsū yāa. Gajerā musā puro ārigatori merā buerā ejamakū, īgūsā buerire ōārō pēsuyua. īgūsā Jesúyamarē, Ōāgū deymarīgū musā bokatīrīñeādiyamarē, Marīpu Jesús merā masakare tauri kerere gua musārē buedeā irirosū īgūsā buebirikerepuru, īgūsā buerire pé buremua. ⁵īgūsā musārē buerā: “Gua gajerā Jesús buedoregu pīnerā nemorō masīa”, āri péñakuma. Yu gapu: “Jesús yure īgūyare buedoregu pīmi. Irasirirā yure masitarinūgabema”, āri péñāa. ⁶Yu ōārō wererimasū irirosū werebirikeregu, Marīpu werenīrīrē ōārō masīa. Yu masīrīrē, āārīpereri yu īgūyare iriri merā musārē masīmakū iribu.

⁷Yu musārē Marīpu Jesús merā masakare tauri kerere buegu: “Niyeru sīka!” neō āri sērēbirību. Ubu āārīgū irirosū moā wajata baabu, musārē Marīpuyare ōārō masīburo, ārigū. ¿Yu irasirīdea ōāberi? ¿Naāsū gūñarī? ⁸Gajerā Jesúre buremurī buri marā yure niyeru sīma musārē bueburo, ārīrā. īgūsā sīrīrē ñeābu musārē iritamubu. Irire ñeāgū, īgūsāya niyerure ēmawāgāgū irirosū péñabu. ⁹Musā merā āārīgū, gajino yu gāamerīrē opapeobirikeregu, musārē niyeru neō sērēbirību. Marīyarā Macedonia nikū marā yu gāamerīnorē āijama. Irasirīgu musārē: “Niyeru sīka!” neō āri garibobirību. Puruguedere musārē neō garibobirīkoa. ¹⁰“Cristo

weregu, diayeta weredi āārīmī”, āri masīa. īgū diaye werederosūta yude musārē niyeru sērēbirīdeare diayeta werea. Neō sugū āārīperero Acaya nikūgue āārīgūno i musārē yu sērēbirīdeare wererire: “Diaye werebemi”, ārīmasībīrikumi. ¹¹Musārē yu sērēbirīdeare wererire pērā, ¿naāsū gūñarī musā? “Pablo guare maībirisīā, irasū āri weremi”, ¿ārī gūñarī? āārībea. Musārē maīa. Marīpu irire masīmi.

¹²Irasirīgu yu musārē irinūgāderosūta iriwāgānikōāgura. “Gajerā Jesús buedoregu pīnerā nemorō masīa”, ārigatorā musārē bueri waja niyeru wajataduama. Gua gapu īgūsā irirosū wajataduabea. Irasirirā īgūsā: “Gua Pablosā irirosūta yāa”, neō ārīmasībema. ¹³“Jesús buedoregu pīnerā āārā”, ārīrā, ārigatorā yāma. “Diayeta Jesús buedoregu pīnerā āārīma”, āri gūñamakū iriduāā āārīsīā, masakare ārigatoma. ¹⁴Yu gapu īgūsā irasirīmakū iākeregu: “¿Nasirimurā irire irasū yārī?” āri gūñabea. Wātēa opu Satanāde Marīpure wereboegu irirosū deyoami masaka īgū ārigatorire: “Diayeta āārā”, āri gūñamakū iriduagu. ¹⁵Irasirirā ārigatori merā buerimasā wātīrē moāboerā īgū irirosū yāma. Ñerā āārīkererā, īgūsā irigatori merā masakare: “Marīpure moāboerā āārīma, ōārō yāma”, āri gūñamakū iriduama. Daporare masaka īgūsārē: “Ōārā āārīma”, āri gūñakerepuru, purugue āārīpereri īgūsā ñerō iridea waja buro wajamoāsūrākuma.

Pablo, īgū ñerō tarideare gojadea

¹⁶Dupaturi musārē ire were gojagura. Neō sugū yure: “Niārīmasū āārīmi”, āri gūñabirikōāka! Irasū āri gūñarā: “Niārīmasū irirosū werenīburo”, ārika! Irasirīgu mērōgā yu basi werenīgura. ¹⁷Yu irasū werenīgū, niārīmasū irirosū werenīgū yāa. Marī Opu yure: “Irire wereka!” āribirimi. ¹⁸Wārā masaka i ūmuma direta gūñakererā, īgūsā iririre: “Ōārō yāa”, ārīma. Yude īgūsā irirosū musārē yu ōārō iririre weregura. ¹⁹Musā basi: “Masītaria”, ārīkererā, niārīmasā

irirosú werenírá bueri gapure gariborero marírō péa. ¿Nasirirá ígūsārē ōārō péri? ²⁰Ígūsārē moáboerārē dorerosú musārē buro dorekerepuru, ārígatori merā musáyare āiakerepuru, musārē oparā irirosú dorerā ígūsā gāamerí direta gūñakerepuru, musārē: “Ubu āārírā āāríma”, āri íābéokerepuru, musārē gúyasírímakū iriduarā musāya wayupārārírē pákerepuru, āārípereri ígūsā irasiririre gariborebirikoa musā. ²¹Musārē irasirírē, ñerō irirá yáma. Gua gapu ígūsā irirosú musārē neō irasiribiribokoa.

Yu ígūsā irirosú musārē ñerō iribirikeregu, niārímasū ígū iririre: “Ōārō yáa”, āri werenígū irirosú musārē āsū āri weregura. ²²Ígūsā: “Hebreo masaka āārā”, ārīma. Yude hebreo masakuta āārā. “Israel bumarā āārā”, ārīma. Yude Israel bumuta āārā. Ígūsā: “Abraham parāmerā āārā”, ārīma. Yude Abraham parāmita āārā. ²³Ígūsā: “Cristore moáboerā āārā”, ārīma. Yu tamerā ígūsā nemorō Cristore moáboegu āārā. Ígūyare ōārō yáa. Yu basi niārímasū irirosú wereníkeregu, yu ōārō iririre āsū āri werenemogura. Yu Cristoyare irigu, ígūsā nemorō moātarinūgābu. Cristoya kerere wereri waja ígūsā nemorō peresugue biadobosūbu. Ígūsā nemorō tárāsūbu. Wári masaka yure wējēboyama. Irasirigu mérōgā merā taribu yu boaboderore. ²⁴Su mojómagora judío masaka yure ñeāma. Ígūsā yure ñeārikū, treinta y nueve gora tárānama. ²⁵Urea gajerā yure ñeā, yuku merā páma. Suñarō masaka ūtayeri merā yure deama. Urea doóriduparu merā miríbu. Suñarō mirígū, sunu, su ñami taboa maji weka wádiyaguere bá payaníbu. ²⁶Yu wári makāríguere buegorenagū waanabu. Yu buegorenamakū, goetaribu. Diarigue yu mirírí, yure yajari, yaa níkū marā judío masaka, judío masaka āārímerāde yure ñerō iriduari, makārígue, masaka marírōgue yure wējēduari, wádiyague miríboama goetaribu. “Mu merāmarā āārā”,

ārígatorāde yure ñerō irima goetarima. ²⁷Cristoya kerere weregu, buro moā wajata baabu. Irasú moāgū, ñerō taribu. Waja pūríkerepuru, irasú moāníkōābu. Gajipoere baobabu. Nemesibubu. Gajipoere baabiritaunokōābu. Gajipoere buro yusamakū, gaji surí sāñanemoburi maríbu.

²⁸Irasú āārímakū ūmūriku Jesúsre buremurí buri marārē āārípererogue āārírārē gūñarikua. ²⁹Irasirigu sugu gūñaturabi āārímakū íāgū, yu basi gūñaturabi irirosú péñāa. Jesúsre buremugūrē ñerō irimakū irirá merā gua, Jesúsre buremugūrē gúyasírísāa. ³⁰Musārē yaamarē werenemogū, yu turabi āārírírē masíbu, ārígū, yure waadeare weregura. ³¹Marí Opū Jesús Pagu, yu musārē ārígatori marírō merā yaamarē wererire masími. Ígūrēta: “Turatarigu āārā”, āri, usuyari síníkōārō gāamea. ³²Yu Damascogue āārímakū, iro marā opu Areta wāikugu dokamu yure ñeāduadi āārādimi. Yure ñeāduagu, iri makā turogue ígūsā ūtā majírí merā weadea sārírōma disipūroriku surarare koredoredi āārímí. ³³Yu merāmarā gapu puui wári puui merā iri sārírō āārírí gobegue yure yótaudijuma. Irasirigu, ígūsā iritamurí merā yure ñerō iriduarārē duriwāgākōābu.

Pablo kērō irirosú ígū íādeare gojadea

12 ¹Marí basi: “Ōārō masía”, āri werenígorenarí wajamaríkerepuru, marí Opū Jesús kērō irirosú yure ímudeare, ígū yure masímakū irideare werenemogura. ²Yu Cristore buremunūgādero puru, Marípu yure ūmūgasigue ígū āārírōgue āīmūriāmi. Irogue āīmūriadero puru, catorce bojorigora taria. Yu dupu merā, o yu yujpūrā merāta iroguere waagú waakuyo, masibirikoa. Marípu dita masími. ³⁻⁴I gapure masía. Yure irogue āīmūriagu, paraíso wāikurogue āīmūrijami. Yu dupu merā, o yu yujpūrā merāta yure irogue āīagu, āīagukumi, masibirikoa. Marípu sugūta irire masími. Yu irogue āārígū, ígū

masaka iripoeque neō masībiriideare werenírírē pébu. Iri, ígū neō sugu masakure weredoreri meta āārībú. ⁵Iroguere ígū yure āimuríadeare guyasírírí marírō musārē weremasía. Yaama gapure weregu, guyasírībokoa. Irasirigu yu turabi āārírí direta werenemogura. ⁶Yu basi yaamarē wereduamakū, yu werenírí diaye āārībokoa. Niārīmasū werenírí irirosū āārībiriokoa. Yaamarē weremasíkeregu, weribirikoa musā yure: “Gajerā nemorō ōāmi”, ārí gūñabirikōāburo, ārígū. Yu iririkurire iādero puru, yu bueri gapure pédero puru, musā yure: “Ōāgorami”, ārí gūñamakū gāāmea.

⁷Marīpu yure ímudea ōātaribu. Yu irire gūñagū: “Gajerā nemorō masía”, ārí gūñabokuyo. Marīpu gapu irire gūñabirikōāburo, ārígū, wātēa opu Satanás yaa dupure pūrīrikumakū iririre kāmubiridi āārīmí. Iri pūrírí poraru ñājārōsū pūrīa. ⁸Urea yu marí Opure: “Yure i pūrírírē tauka!” ārí sērēadibu. ⁹Ígū gapu yure āsū ārimi: “Murē maísā, ōārō iritamugura. Yu murē iritamurí neō perebirikoa. ‘Turabea’, ārí gūñagūnorē yu turari merā ōārō iritamua gajerā yu turarire masīnemoburo, ārígū”, ārimi. Irasirigu yu turabi āārírírē usuyari merā weregukoa Cristo ígū turari merā yure ōārō iritamuníkōāburo, ārígū. ¹⁰Irasirigu Cristoyagu yu āārírí waja pūrírí merā turabi āārísā, usuyari merā irire bokatīua. Gajerā yure ñerō wereníkerepuru, yu gāāmerírē opabirikeregu, gajerā yure ñerō irikerepuru, yure ñerō waakerepuru, usuyari merā irire bokatīua. Āsū āārā. Yu, turari opabirimakū, Cristo gapu yure ígū turarire opamakū yāmi ñerō taririre bokatīuburo, ārígū. Irasirigu usuyāa.

Pablo Corinto marārē Jesúre buremurārē ígū gūñarikurire gojadea

¹¹Yu basi yaamarē werenígū: “Niārīmasū irirosū werenígū iribu”, ārí gūñāa. Musā gapu yure irasirimakū iribu. Musā yaamarē ōārō werenímakū,

ōāgorabokuyo. Musā yure ōārō wereníbirikerepuru, “Ubu āārígū āārīmí”, āríkerepuru: “Jesús buedoregu pīnerā āārā”, ārígatorā yu nemorō āārībema. ¹²Yu musā puru āārígū, musārē buro iritamuduari merā, wari Marīpu turari merā iririre iri ímubu, diayeta Jesús buedoregu pídi āārírírē masīburo, ārígū. ¹³Gajerā Jesúre buremurí buri marārē, musādere sursosū iribu. Yaa āārīburiere musārē niyeru wajaseabiribu. Musā péñamakū, ¿iri musārē ñegorari? Iri musārē ñemakū, musārē: “Irire kátika!” ārí sērēa.

¹⁴Pea musā purogue ejasiabu. Daporare dupaturi yu iroguere waaburire āmugú yāa. Iroguere ejagu, musārē: “Niyeru yure sika!” ārí sērēbirikoa. Musāyare gāāmebea. Cristoya gapure musā irituyānemomakū gāāmea. Āsū āārā. Pagusāmarā ígūsā pūrārē masūrā, ígūsā gāāmerírē síma. Pūrā gapu pagusāmarārē ígūsā gāāmerírē síbema. ¹⁵Irasirigu musārē yu pūrā irirosū āārírírē iritamugū āārīpereri yu oparire simakū ōārokoa. Musāyā āārīburiere, āārīpereri yu turari merā musārē buro iritamuduakoa. Musārē yu buro maíkerepuru: “Ígūsā gapu yure sirīgū māima”, ārí gūñāa.

¹⁶Surāyeri musā watopegue āārírā, yu musārē sērēbiriideare masíkereerā, āsū ārīma: “Guare sērēbirikeregu, ārígatori merā guayare āiadi āārīmí”, ārīma. ¹⁷¿Musā purogue yu iriunerā ārígatori merā musāyare yure āriyuri? Musā masīkoa. Neō gajino musāyare āiribirinerā āārīmā. ¹⁸Irinuge Titore musā purogue waadorebu. Gajigu marīyagure ígū merā iriubu. Tito musā merā āārígū, ¿gajino musāyare ārígatori merā āārī? Musā masīkoa. Neō āābiridi āārīmí. Ígū yu irirosūta musārē iritamuduagu āārīmí.

¹⁹Gajipoe irirā, yu musārē gojarire buerā: “Pablosā ígūsāyamarē wereri merā guare: ‘Ōāgorama ígūsā’, ārí gūñadorerā yāma”, ārí gūñabokoa. Āārībea. Gua Cristoyarā āārā. Irasirirā Marīpu iūrō musārē diayeta

werea. Yaará yu maírā, āārīpereri gua iriri merā musārē iritamudúáa Cristoyare irituyanemoburo, āírā. ²⁰Yu musārē gūnarikua. Gajipoe irirā, yu musā p̄rogue ejamakū, yu gāāmerōsū iribiribokoa. Irasirigu yude musā gāāmerōsū iribiribokoa. Gajipoe irirā gāme guaseorikurā, gajerārē iaturirikurā, mata guarikurā, musāya āārīburi direta gūnarikurā, gajerārē ñerō kere wererikurā, ñerō āri werewuarikurā, “Gajerā nemorō āārā”, āri weregorenarā, musā nerērōgue noó musā gāāmerō iririkurā āārībokoa. Gajipoe irigu irasū āārīrārē bokajabokoa, ārīgū, irasū āri gūnarikua. ²¹Irasirigu yu musā p̄rogue dupaturi ejamakū, Marīpū musā ñerō iririkurī waja yure guyasīūrō tarimakū iribokumi. Wārā musā iro dupuyurogue gūnarīgue ñerī opadeare, ūma nome merā, nome ūma merā ñerō irideare, musā noó gāāmerō guyasīūrī ñerī irideare piriduro marīrō iriwāgāmakū iāgū, buro bujawereri merā oregukoa.

Pablo: “Āsū irika!” āri ōādotētūnudea

13 ¹Dapora yu musā p̄rogue waari merā ūrea waarokoa. Irasirigu musārē: “Marīpūya werenīrī gojadea p̄gue gojaderosūta āārīpereri iriro gāāmea”, āri werea. Iri p̄gue āsū āri gojasūdero āārībū: “Pērā, o ūrerā sugū ñerō irideare iānerā oparāguere weresārō gāāmea”, āri gojasūdero āārībū. ²Iro dupuyuro yu musā p̄rogue āārīgū, musā āārīpererā p̄urogue ñerō irirārē: “Wajamoāgura”, āri weresiabu. Puru ejagu, musārē irireta werebu doja. Daporadere yoarogue āārīkeregu, gopepyaro merā irireta were gojāa doja. Mérōgā puru musā puro dupaturi waagū, yu werederosūta ñerō irirārē diayeta wajamoāgura pama. ³Yu irasirimakū iārā, ire masīrākoa. Yu musārē Cristo yure gūnarī sīrī merā werea. Cristo turabi āārībemi. Īgū turari merā musā watopegue ñerō irirārē wajamoāgukumi, Īgūsā ñerō iririre

piriburo, ārīgū. ⁴Diayeta āārā. Īgū turari opabi irirosū curusague pábiatūsū, boadi āārīmī. Irasū boakeregu, daporare Marīpū turari merā okami. Guade Īgū āārīderosūta turamerā āārā. Irasū āārīkererā, Cristoyarā āārīsū, Marīpūya turari merā okāa Īgū turari merā musārē iritamumurā.

⁵Irasirirā musā basi: “ĪDiayeta Jesucristore piriro marīrō buremurī yu?” āri gūñaka! Diayeta musā Jesucristoyarā āārīmakū, Īgū musā merā āārīmī. ⁶Diayeta gua Jesucristoyarā, Īgū buedoregu pīnerā āārīrīrē musārē masīmākū gāāmea. ⁷Irasirirā ñerō iribirikōāburo, āirā, Marīpūre musāya āārīburire sērēbosāa. Īgūrē sērērē, musārē guare ōārō gūñadorerā meta yāa. Musā guare ōārō gūñabirikerepuru, Marīpūre musāya āārīburire sērēbosāa, Īgū iritamurī merā ōārīrē iriburo, āirā.

⁸Marīpūya, diayema āārīrī āārā. Irasirirā Īgūyare keoro irimakū iārā, gua musārē: “Irire iribirikōāka!” neō ārimasībirikoa. “Diayema direta irika!” ārimasīa. ⁹Irasirirā musā ōārō yujpūrākuturari merā Īgūyare keoro irimakū ōāgorāa. Gua buro turari merā musārē: “Āsū gapu irika!” ārimasīmerā, usuyāa. Marīpūre musāya āārīburire sērēbosanīkōāa, Īgūyare keoro iriwāgānemoburo, āirā. ¹⁰Irasirigu musā p̄rogue waaburi dupuyuro musārē i pūrē gojāa. Irogue ejagu, musā ñerō iririre piribirimakū iāgū, marī Opū yure dorederosūta musārē buro wajamoāgura. Pirimakū iāgū, wajamoābirikoa. Marī Opū yure: “Yu dorerosūta irika!” āri pīmi. Musā Īgūrē buremunemomakū gāāmegū, irasirimī. Musārē poyanorēmākū gāāmebemi.

¹¹Yaará, iropāta āārā yu musārē gojari. Ōārō āārīrikuka! Yu dorerire ōārō yujpūrākuri merā keoro irika! Guaseori marīrō suro merā gūña, ōārō siuñajārī merā āārīka! Irasirigu Marīpū musārē siuñajārī sigū, musārē maīgū musā merā āārīgukumi. ¹²Musā merāmarā merā ōārō merā gāme mojō ñeāka!

¹³ Āārīpererā Jesúre buremurā òògue
āārīrā mūsārē òādorema.

¹⁴ Marī Op̄ Jesucristo marīrē òārō
iritamugū, Marīp̄ marīrē maīgū,

Ōāgū deyomarīgū marī merā āārīnīgū
āārīpererā mūsā merā òārō āārīburo.

Iropāta āārā.

Pablo